

郡增生陳公育庵暨配馮孺人墓誌銘

余少喜詩古文詞慕韓歐雖不能至而心嚮往之壯入仕途此事遂廢晚倦游歸里謝賓客僅二三契友相過從得暇稍理舊業又赧昔作曼衍浮誇盡屏去之適陳君建極呂其府君育庵公之墓銘請辭不獲余于公爲通家子弟習其生平從而爲之詞工拙不計或不失實按公諱隆桂號育庵世居平江縣治南白茅里父翰伯湛深儒術隱居不求仕達曰課子弟耕讀爲務生子四公序二幼聰穎異常兒誠樸類長者勤學善文髫齡與兄隆棟同登黌序旋舉優補增學憲張見其青年尙之大書文

行兼優四字呂贈公益勵志經史旁及諸子百家之學築小樓于屋側前池後園爲藏修之所常集郡中賢彥詩酒唱和于其上先是院試前有公房叔祖鈞石夢四人昇金字匾二入樓基東西對懸東曰天高地迥西曰日耀星明已而棟桂聯榜夢似有徵儒學王玉章題之曰聚星樓公曰棘闈不利慨然無復功名志念陳氏自江州義門分居各地惟平江無宗祠譜牒呂序昭穆而收宗支于是集族中某某等倡爲之蓋繼高祖思白公之遺志也思白公爲明季碩儒入清遂隱居不仕講學傳經晚年慕道錄名得道有志修譜事與願違迺詳作譜序期諸後人

公克承祖志上溯可壽公支下開表二公之裔纂輯成巨牒此
平江義門陳氏族譜初修也歲某復創建宗祠于縣城北嶺瞞
祀產陳氏祠宇由此肇基於戲何其偉歟詩云新廟奕奕笑斯
所作又云有椒其馨胡考之寧此公之抱負不著于朝廷而施
于宗族宜其後裔之昌也公曰康熙四十二年癸未六月二十
一日申時生乾隆三十一年丁亥八月二十五日戌時卒元配
鍾氏性溫良淑慎生子一開智雍正六年戊申氏故後三年續
娶吉氏性好善樂施捐修清隱寺觀世音一尊來嬪十四年而
卒無出是時公年四十二老母在堂溫清需助迺三娶馮氏性

敏惠勤女紅事堂上先意承歡相夫教子襄理家政允稱內助
賢生子二開機卽建極開映女一曰康熙四十八年己丑二月
二十四日亥時生乾隆四十一年丙申二月十五日辰時卒與
夫合葬黃泥界白竹坡首丁趾癸形家言爲靈貓捕鼠銘曰

吁嗟兮繄麟之角丕烈兮迺疆公族厥德配兮鍾吉馮永安處
兮奠幽宮宜爾子孫兮卜其昌我言不誣兮發潛光

乾隆壬子科舉人知安徽當塗縣事姻愚姪余遠驥頓首拜撰